

Curimacare Ivitera

Yepe viaxi seramanya ombeo ixarama,
maita oyere arama nya ita maye oka yave asoi
mokoin mira rangava.



Yepeviatipa yepe tendeva ope, ovive
yepe guami mokoin imembira tairomo yepe
apigava asoi yepe konya, somentipa aintanyo
oikovaita pope nya tendava, guami operi
aramapa omokirari nya imembiraita orikotepa
oporaki kopixava, moiri arapa osovera oporaki

kopixa asoi oxariverapa imembiraita tapita
antapesoa taroka ope.



Yepe arapa nya guami membira
oyovaimi asoi oyompiropa oyokirari asoi
poranga ae, ogostari verapa omemoi imanya
ronde asoipa ikivira osemoverapa osikari
openetika ainta ombaoran.



Asoi yepe arapa guaimi imembira
apigava oyompiro ogostari sentira rese.

Koemaitepa oparando osendo imanya
osoronde kopixava kiti:

—Mamai ma rekoa yepe posanga
yarikoripara yanerimiriko.

Asoipa imanya onye xope:

—Akoa yepe sereva pusana, mairame
yayaki yepe conya ipope asoivara ogostari
yande.

Asoipa imembira onye:

—Mamai remokamema amarama ae.

Imanya ombeopa xope:

—Porangate semembira amoara
rerikoran kori nerimiriko.

Imanya ti okoava maresevaratapa
imembira opotari oma nya posanga asoi

imanya osoanpa omokameri omaran ae yepewa putira imnya ombeopa xope: “Somenti remosasa nepo rese ae asoi rekitika mamento nya conya repotariva.”

Koemaitepa imanya osoan kopixa kiti asoi aintantoapa tapita antapesoa taroka ope, nyapokosapa nya imembira ogostarianavate sentira rese sentira pokosapa ti maran opotari ikivira.



Asoivara onyepa nya apigava: “Como ti maran serentira opotari ixé asore ayoka nya posanga akitika arama sese opotari arama ixé.”


Osoampa oyoka nya pusana, mairamepa
oyokan ae okitikapa iporese ae asoi oyoirianpa
soka kiti okitika aramapa sentira rese ae,
mairamepa oyakian sentira pope
oyompiroanapa ogostari ikivira rese.



Asoivarapa tayompiro antayogostari,
aintamanyapa ti okoava manoga osasavaiko
nyase muiiri ara pokosapa oporaki kopixava,
yavepa osasavera ara.

Amoarapa koemaite tamanya asoan
kopixa kiti, mairamepa osikan kopixape

osikaripa itersado asoi tipa ovasemo ae,
oyoiripa osikari soka kiti nya pokosapa ti
imembira takoa tamanya oxari itersado,
mairamepa tamanya osemopee soi omapa
aintamonyako tapira iromo, nya momento
aintayere aintaomaa tamanya xope, tayere
teyoiripa itarama aite oyi ara.



Aite koa ara aintapoamo ape,
yavekoerapa oyere arama nya ita maye
mokoin mira yave asoi oka yave.